



Na osnovu člana 56. Zakona o hrani („Službeni glasnik BiH“, broj 50/04), člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, broj 39/14), člana 30. stav (1) Pravilnika o javnim nabavkama (broj: 01-02-3-486-1/20 od 30.04.2020. godine), shodno prijedlogu Komisije za provođenje postupka javne nabavke Laboratorijske usluge analiza na prisustvo pesticida u i na hrani biljnog i životinjskog porijekla, direktor Agencije za sigurnost hrane Bosne i Hercegovine, donosi:

ODLUKU

o izboru najpovoljnijeg dobavljača za Laboratorijske usluge analiza na prisustvo pesticida u i na hrani biljnog i životinjskog porijekla

I

Ovom odlukom bira se najpovoljniji dobavljač Institut za vode d.o.o. Bijeljina za Laboratorijske usluge analiza na prisustvo pesticida u i na hrani biljnog i životinjskog porijekla, jer je ponuda dobavljača ocjenjena kompletna i prihvatljiva u skladu sa postavljenim uslovima u Tenderskoj dokumentaciji.

II

Okvirni sporazum za javnu nabavku usluga dodjeljuje se dobavljaču iz tačke I ove Odluke, sa ukupnom cijenom ponude u iznosu od 55.416,00 KM bez PDV-a.

III

Predmetni postupak nabavke proveo se putem otvorenog postupka. Obavještenje o nabavci objavljeno je na portalu javnih nabavki broj obavještenja: 365-1-2-17-3-4/21 dana: 30.07.2021. godine i u „Službenom glasniku BiH“, broj 50/21.

IV

Ova Odluka objavljuje se na web stranici Agencije za sigurnost hrane Bosne i Hercegovine www.fsa.gov.ba istovremeno sa upućivanjem obavijesti dobavljačima koji su učestvovali u postupku javne nabavke.

V

Obavještenje o dodjeli ugovora i Izvještaj o provedenom postupku nabavke biti će dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

VI

Ova odluka stupa na snagu danom donošenja.

Образложење

Odlukom broj: JN-1-16-3-18/21 od 27.07.2021. godine pokrenut je postupak javne nabavke usluga pod nazivom: „Laboratorijske usluge analiza na prisustvo pesticida u i na hrani biljnog i životinjskog porijekla“. Komisija za provođenje postupka javne nabavke imenovana je Odlukom broj: 01-16-3-691-2/21 od 27.07.2021. godine.

Postupak nabavke proveden je putem otvorenog postupka. Shodno Odluci o pokretanju nabavke procijenjena vrijednost nabavke bez PDV-a iznosi 55.550,00 KM. Oznaka i naziv iz JRJN: 71900000-7 Laboratorijske usluge.

U predviđenom roku za prijem ponuda (24.08.2021. godine do 11 sati) u Agenciju je zaprimljena 1 (jedna) ponuda dobavljača Institut za vode d.o.o. Bijeljina. U skladu sa Tenderskom dokumentacijom i Obavještenjem o nabavci, dana 24.08.2021. godine sa početkom u 11 sati i 15 minuta održano je javno otvaranje ponuda. Po završetku javnog otvaranja, zapisnik sa otvaranja ponuda je potpisan i putem fax-a poslat dobavljaču koji je dostavio svoju ponudu.

Komisija je u punom sastavu na zatvorenom sastanku izvršila pregled i ocjenu ponude. Pregledom ponude Komisija za nabavku utvrdila je da je ponuda dostavljena na propisan način, da je omotnica sa ponudom ispravno zatvorena, i da je ponuda uvezana i numerisana u skladu sa zahtjevima iz Tenderske dokumentacije.

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja dobavljača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji.

Nakon izvršenog pregleda Komisija je jednoglasno konstatovala da je ponuda dobavljača Institut za vode d.o.o. Bijeljina kompletna i prihvatljiva, da su u istoj dostavljeni svi traženi dokazi propisani tenderskom dokumentacijom. Komisija je jednoglasno ocijenila da je ponuda dobavljača Institut za vode d.o.o. Bijeljina sa ukupnom cijenom ponude u iznosu 55.416,00 KM bez PDV-a u okviru planiranih sredstava u budžetu ugovornog organa i u okviru je procijenjene vrijednosti nabavke.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg dobavljača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine putem ugovornog organa najkasnije u roku od 10 (deset) dana od dana prijema ove Odluke, u pisanoj formi u tri primjerka.

DIREKTOR

Dr.sci. Džemil Hajrić, s.r.

Dostaviti:

- *Institut za vode d.o.o. Bijeljina Miloša Obilića br. 51., 76300 Bijeljina,*
- *www.fsa.gov.ba,*
- *u predmet,*
- *a/a*



Kneza Višeslava bb, 88 000 Mostar, Bosna i Hercegovina
 Кнеза Вишеслава бб, 88 000 Мостар, Босна и Херцеговина
 ☎ + 3 8 7 3 6 3 3 6 9 5 0, ☎ + 3 8 7 3 6 3 3 6 9 9 0
 www.fsa.gov.ba, E-mail: agencija@fsa.gov.ba

